


關聖帝君寶訓像註

四

BJ
117
K83
V.4



關帝寶訓像註卷四目錄

損人利己肥家潤身

單有益 刻算致富

江南翁 神罰刻薄

余英 損人自損

恨天怨地呵風罵雨

楊大同 恨天被遣 李尚仁 怨天現報

謗聖毀賢滅像欺神

貧生 毀賢被罰 王著 侮神顯報

宰殺牛犬

景世庠 殺牛減壽 趙一鳳 食犬眇目

穢溺字紙

金甌

惜字獲報

馬回子妻

汚字雷擊

朱寧約

棄字減壽

飲一風

金大娘目

恃勢辱善

盧多遜

害人自害

閻宏

豪惡訪犯

倚富壓貧

史百代

慳吝被火

盛某

冤家爲子

離人骨肉間人兄弟

李中規

禱悔離間

米信夫

冤冤相報

劉君良妻

得破家賊

魏鍾妻

代夫謝過

不信正道姦盜邪淫

孫某

誤信邪說

好尚奢詐不重勤儉

吳良佐

鬼警奢侈

陳克慎

養兒暴殄

輕棄五穀

不農

民天罰輕穀

張儀方

輕粟獲譴

不報有恩

王之巽

衆罵負恩

瞞心昧已大斗小秤

南貨店

燒燬假秤

假立邪教引誘愚人託說昇天斂物行淫

白蓮教

邪教誣民

明瞞暗騙橫言曲語

郝三善 慣騙遭掠

蔡翁 負債大報

白口咒詛背地謀害

馬清 害人損目

不存天理不順人心

趙仲 喪心自害

不信報應引人爲惡

顏友程 報應不爽

楊詢 成人之惡

不修片善行諸惡事

李有容 行惡變犬

董思正 惡行酒魔

官詞口舌水火盜賊惡毒瘟疫生敗產蠢殺身亡家男

盜女淫

施 廣 不仁遭劫 趙 光 妖邪惡報

近報在身遠報子孫神明鑒察毫髮不紊

何應元 貴子不終 沈元直 淫報其子

善惡兩途禍福攸分行善福報作惡禍臨

郭承恩 善惡分報 徐 爵 作惡伏法

我作斯語願人奉行言雖淺近大益身心

徐踐義 刊施寶訓

戲侮吾言斬首分形若能持誦凶消聚慶

蔡 貴 侮神殺身 錢 盈 帝訓避邪

求子得子求壽得壽富貴功名皆能有成

王開祚 神庥得子 蕭 震 陰德增壽

吳子芳 施濟書香

凡有所祈如意而獲萬禍雪消千祥雲集諸如此福惟善可致

東翁 敬神自警 張廷琛 福善妙用

吾本無私惟佑善人衆善奉行毋怠厥志

于保 關聖勾免 李準 帝佑得金

損人利己肥家潤身

增論人何堪損哉。損人且不可。况因之以利己乎。蓋已護家。人亦各護其家也。已顧身。人亦各顧其身也。此情此理。惟君子知之。若小人者。慣愛便宜。不管人吃虧。覘人之物。驅之以爲己物。覘人之財。騙之以爲己財。謂非損在人而利在己歟。由此而家漸豐。則肥矣。由此而身漸腴。則潤矣。獨不思己之家應肥。而人之家應瘦乎。己之身應潤。而人之身應槁乎。若此心術。旁觀者皆厭他。避他。吾則曰。你莫學他。受害者皆怨他。恨他。吾則曰。你且看他。

漢書音義曰仲莫舉介受命者

之也。然則。此。書。之。名。曰。神。聖。之。書。也。

松茂

諸惡莫作

荆竹實川象主


永日刻算致富



單有益宛平人重利放債算析秋毫人號曰單算盤與之交者無不吃虧見人家一器一物亦用計騙來因而家漸豐起蓋房廊陳設玩好居然豪富矣其母舅誡之曰爾剝衆小財爲一大財削衆小家成一大家恐干天怒以總算扣爾零算以惡算罰爾刻算也未幾遭天火家業蕩然無立椎之地



明陳智錫云。江南一翁。富甲郡縣。刻薄殊甚。其館師讀書。至夜分。聞屋上有神語。一云。某謀利甚刻。當焚其居。一云。太輕。一云。當絕其嗣。一云。太重。一云。然則與彼一凌霄罷。師異而筆記之。默藏於樑上。是年富翁從揚州娶一妓。號凌霄。百般耗費。生子不肖。傾蕩無存。後拆卸屋樑。見師所記神語。衆人知之。莫不歎息。



李士衡與余英奉使高麗所得貨物甚多。英恐過海船漏。盡以士衡之物墊船底。以已物置其上。開船忽大風。船幾沉。舟人急請減載。倉皇信手拋去。及風定檢視之。則所棄皆英物。士衡手自封識者。一無所失。

恨天怨地呵風罵雨

增論世間妄人最多。其心放而不收。其行肆而不謹。其言狂悖而無倫。對人有然。卽對神亦未始不然也。如天地有憾也。敬以答之而已。彼則不勝其憤焉。風雨失調也。靜以聽之而已。彼則不勝其怒焉。憤之甚。則恨與怨集也。怒之甚。則罵與呵起也。果癡歟。痴歟。病且醉歟。不過一時性暴。自貽伊慼也。



荆門楊大同平生飲博淫蕩。貲產費盡。窮苦無聊。嘗指斥
上天不公。一夕遇一少年云。有一好境。但隨我去。不患不
富。隨至一宅。少年忽不見。欲出無路。問數人大叫捕賊。將
大同捉毆。乃知是半夜入人家矣。旦送官。不能分理。遂受
杖。不數日而死。不知少年是何神。



李尚仁定州人。因商販回家。宿旅店中。陰雨六七日。仁不能起程。向空高聲曰。這眼淚流到幾時。等到眼淚流乾。我的盤費罄盡了。店主人曰。天雨是常事。何苦造此口業。次日天晴。仁騎騾過橋。泥滑。騾驚。將仁左足跌折。竟成一跛人。

謗聖毀賢滅像欺神

增論惟聖與賢誰敢侮之而弗敬耶。惟神與像孰敢慢之而弗禮耶。然敬者其常而侮者其變也。禮者固多而慢者或有也。不敢謂世竟無此人也。蓋其人甘自居於下流。則藐忽聖賢。肆口而謗毀者有之。或其人謬自詡爲正直。每輕蔑神像。放膽而欺滅者有之。此等形景。令人聞之氣憤。見之色變。亦不屑與之辨是非也。祇目爲衣冠中之畜類而已。

陽明先生全集

卷四

八



明嘉靖年間保定郡守朔日文廟行香有貧生向守求賑
守曰顏子簞瓢陋巷不改其樂貧乃士之常貴能安耳生
曰顏子有附郭田可耕何至如此窮信其果貧可笑之極
守怒其侮慢聖賢令教官責之叱去後歲考此生將頭題
遺落未寫宗師批卷面云首題遺落可笑之極遂除名



明萬歷初年。西華人王著應里役。與納戶爭逋欠。誓於城隍廟。惡語侮神。夜宿揚善寺。天王殿內。忽聞門外喝道聲。起視之。見一官朱衣幘頭。立火炬下。擁衛甚衆。令一隸操刀向著。著持几上墨硯擲之。竟被隸刺口頰流血。寺僧驚起。不見一人。方知是城隍神也。次早著赴城隍殿。因服謝罪。視廟中神儼如昨夜所見。而右侍則操刀隸也。身有墨跡焉。逾月口頰瘡始平。刀痕宛然。

宰殺牛犬

增論凡物命俱不可殺。况牛犬耶。牛代人耕地。物之犬
有功者。犬爲主守家物之最有義者。乃人竟操刀而殺
之。狠歟。不狠歟。或買肉而食之。該歟。不該歟。若輩之忍
心至此。殊不能令人解矣。彼殺之者。每謬語曰。養牛原
爲服力。何云有功也。畜犬原爲守夜。何云有義也。殺之
無礙也。彼食之者。又飾語曰。牛卽有功。非因我而橫死
也。犬卽有義。非因我而冤斃也。食之無傷也。甚至明知
爲非。而取其價賤。謂其性補。未免強執爲是矣。卽或有
人勸阻而不平之狀。不服之言。未免與人爲難矣。所謂
甘令神明惡之。而並不一悔者也。悲夫。

呂祖戒牛歌

君不見牛耕土曳步前奔用力努。又不見日當午血汗
通身涎沫吐。世間畜類多無如他報主。可恨貪財農心
狠如狼虎。見他筋力衰賣與人烹煮。割下頭剖開肚血
塗鐘皮。鞞鼓骨銼簪肉作脯。當日耕田難上難。今日粉
身苦不苦。冤魂泣訴閻羅王。閻羅悲憫不能語。但說宰
牛夫。受罪在地府。或丟劍樹叢。或擲刀山塢。或灌滾銅
汁。或烙紅鐵柱。永劫不翻身。翻身世變汝。又有食牛人。
不由人勸阻。勸之起爭端。阻之笑迂腐。怕說牛有功。強
說牛能補。一任罪通天。不知何肺腑。豈知一食牛。立刻
干神怒。縱有好心腸。此條登惡簿。應註禍來侵。暗折福

無數貧天逮兒孫甚至滅門戶吁嗟乎牛代人耕誰不
親殺而食之喪心伍我今降乩普告人戒此方堪對佛
祠

北斗神君戒食犬文

犬一團靈性守家而戀主者也人何苦食之耶。邇其守
家勤勤晨起看門生人內闔直撲直吞及人外伺隨喊
隨跟不懈心於白日尤著意於黃昏逮夫夜靜人睡鼠
竊作祟犬吠一聲隱隱閃退又或強賊夥至各持兵器
犬吠連聲忙忙逃避至若冬夜慄慄風雪密密凍餓待
僵寒戰喘息猶復聞響強呼見影掙起俾主人覺之而
少停叱之而後止是犬之有功顯然其可紀而且惓惓

戀主感入肺腑久客外歸歡跳如舞主貧而彼不厭主
亡而彼不散主逐之而彼不離主餓之而彼不憾甚至
賣與遠方半載悠長彼仍乘機宵遁找路來央問或舊
主不納狠心趕打彼仍回頭乞憐搖尾弗捨祇欲冀主
之留並忘其主之愆但思報主之恩寧甘任主之殺是
犬之有義確乎其不可拔人何忍食之耶道家云犬肉
登庖竈君懷憤奏天曹釋家云犬肉不戒諸佛聞知皆
見怪人何敢食之耶其食之者不念功也不重義也神
弗飲也佛弗識也雖有善者諷之則見疎阻之則生忌
亦畏禍而口閉矣吾願世之人去爾恣情消爾戾志甚
勿再食此味而甘爲上天之所忌



里正景世庠魂至陰司主者怒曰汝本應福壽坐殺牛三日且好食犬今當貧天矣庠曰食犬有之牛實未嘗殺主者曰汝爲里正里中殺牛而汝不禁與汝殺何異姑放還警世越一年死



明趙一鳳汾州府人。好談報應。明知牛不可食。但不能自禁。遊至廣東。俗尚食犬。鳳亦食之。回時過江。僱船。船戶問曰。客是趙一鳳否。鳳驚曰。然。何以知我名。船戶曰。昨初更沙灘有二鬼坐敘。一曰。明午有趙一鳳過。其人亦知爲善。但不戒食牛。近又食犬。神令覆其舟。一曰。竟溺死乎。答曰。文內未有溺死字。但云沉其貲。姑眇之。我不敢渡。爾也。鳳大恐。另覓船渡。將抵岸。忽風浪作。船翻水中。船戶用篙救搭。誤傷眼。物漂去。僅存其命。回家誓不食牛。犬然竟眇一目。


穢溺字紙

增論晉蒼頡作字而鬼夜泣以其洩造化之秘也。字誠重矣哉。後之聖人著書立說垂教萬世。非字無以廣其傳。沿至今三教流通。胥賴乎字。字又烏可棄之耶。而世不知愛惜。不加欽敬。以致委於道路。穢者有之。溺者有之。任人作踐。良可歎矣。深可憐矣。嗟嗟。以聖人之字而視如糞土。是藐聖人也。是蔑聖人也。猶以爲無心之小過。不亦謬哉。


陽明實錄修言

卷四

五



國朝金甌誠心敬惜字紙。凡遇遺棄字迹。必拾之。有染污穢者。則滌之。焚灰投於河。如有年一夕夢文昌帝君召甌至殿前。傳命賜以功名。次日適有友邀甌赴童子試。始閱書。便自能解悟。遂入泮。後倍加敬惜刊施。惜字紙文逢人勸化。如是又二十年。甌于創年十六爲諸生。二十一歲發雍正丙午科解元。聯捷進士入翰林。



康熙壬寅金陵馬同子妻被雷震死有手製新履幾雙碎
裂於前其中字紙片斷糜析蓋此婦夙昔恒以字紙襯鞋
底故坐是譴也



槎浮朱寧約字士豐留意八法銳進未艾康熙乙丑二月
以微疾卒其友羣集哭之忽甦云吾壽該四十二以平日
勤於學字隨意焚燒散其灰不珍惜陰司錄爲過減去五
年故今三十七卽終也幸諸君識此事勿輕忽字紙灰言
訖仍逝

恃勢辱善

增論凡人有得爲之資。居得爲之地。則名之曰勢。勢焰如火而易熄也。勢大如山而易頽也。人值此地。第一爲人造福。則善用乎勢者。次之。而遇人以禮。亦善忘乎勢者。乃小人有勢。遂得意自滿。倚勢凌人。意曰。人當畏我也。當媚我也。而善者則安分守拙。斷然不肯趨勢。難乎免爲所惡矣。惡心生。則窘辱備至矣。不知善者能吃虧。能忍氣。總不屑與之較。亦祇增恃勢者之罪業而已。究與善者何害耶。



盧多遜流崖州。至貶所。食於道傍。有旅姬能言京邑舊事。遜問之。姬蹙然曰。我本京中士大夫家。有子任某官。盧多遜作相。令枉道爲某事。不從。懷怨。中以法盡室。竄南荒。骨肉淪沒。惟老身流落山谷。彼盧相者。恃權怙勢。辱害善良。終當南竄。幸未死間。或可見之耳。多遜默然。趣駕去。夫恃勢害人。終亦自害。有勢者。曷勿思耶。



明閻宏山西人財數十萬每巡撫至必費貲交接府縣皆與款洽勢焰薰天邑中良善之人畏之如虎霸買人房田不允則嫁禍害之武斷人詞訟不服則仗威制之鄉人號曰惡閻王一士子投詩刺之曰閻王本善誰云惡此號加君君不樂何弗捫心細細思鄉情公論原非刻後爲按院訪拿處死家財爲族人爭奪罄盡妻子窮不能度曰

有富壓貧

論衆人皆貧我獨富。謂非天所予耶。然天子人以富。恒不欲人自享其富。亦覩其待貧人爲何如耳。而有善處富者。每退然自抑曰。天待我以厚。我何忍待貧以薄。歟。况水火盜賊。官詞疾病。何一不可奪吾富者。而必斤斤焉刻待貧人。歟。因而敬貧讓貧。不惜頻爲周旋。扶貧幫貧。不吝多爲提攜。則富而能散。天必相此吉人矣。若不善處富者。自奉則窮奢極欲。待人則驕傲橫恣。凡遇貧人。慢之厭之。疎而遠之。絲毫不肯資助。固無論矣。若一拂其欲。則曰。以我之財。何求不得。何物貧者敢違我之欲乎。於是仗其財而謀奪之。而貧人之受其侵暴幾

含冤而莫訴矣。或一撓其怒。則曰。以我之財。何怨不報。何物貧者敢激我之怒乎。於是恃其財而凌虐之。而貧人之受其挫辱。幾垂死而莫救矣。噫。壓貧如此。而天道其容乎哉。是自求禍也。不報於其身。必報於其子孫矣。



明史百代大興人開金鋪典鋪珠寶鋪貲本十餘萬祇自
享用貧人來借吝不輕與嘗曰貧人都要騙我若與之便
以我爲歎矣有高僧勸之曰老施主太緊守了須看破些
先幫骨肉後濟友朋再有餘量力施與僧輩不然恐有天
殃也代變色曰殃何時至耶僧答曰不定本身與妻室不
定兒女與孫曹不定此生與來世不定今晚與明朝到那
時悔無及矣代不聽未數月代晨起見房上坐一紅臉人
須臾火起代僅逃出一妻二子俱燒死屋中竟絕嗣



湖廣盛某素險惡人號黑心簿家頗殷實思造堂樓五間苦地窄狹欲買鄰人張姓地基奏之張不允盛遂密令大盜誣扳張姓張事急其母與妻售地營脫盛乃買其地而張竟以氣憤死於獄盛樓成生子六歲尚不能言一日坐樓中其子上樓盛指之曰吾爲子孫計故爾設謀今如此愚蠢奈何其子忽厲聲曰爾以無辜殺人奪人之居尚望子孫耶盛大驚望後一倒而死其子蕩盡家業亦死


離人骨肉間人兄弟

增論誰無骨肉。肌膚之相關者也。誰無兄弟。手足之相倚者也。匪惟朋友莫及。卽親戚亦莫之能比。傍人何得而離之。間之耶。離之者。聞伊骨肉有怨。則捏詞以激其怒。怒則離矣。間之者。乘伊兄弟有嫌。則造言以啟其疑。疑則間矣。迨一經離間之後。令人骨肉如水火。兄弟如寇讐。於人則損於己。何益。口業之大。無有踰於此者。

關帝實訓像記

卷四

三



李中規保定府庠生。年四十無子。心憂之。既而生兒。洗三日。賀客多人。老娘出言無糞門。請醫治無法。五日死。乃禱於家廟曰。規有何罪。受此罰耶。是夕夢其祖告曰。汝別無大過。但館於某家。造謊言。致其骨肉不和。又代爲寫狀。令其兄弟結訟數年。產業花盡。故有此報也。規愧悔思改。後凡遇人骨肉紛爭。兄弟起訟。皆多方勸解。遂生一子。



米信夫浙西人。柔狡譁捷。里有大家兄弟二人。以父死爭產。信夫唆其弟以訟其兄。結合官吏。從中取利。致其兄弟皆破家。抑鬱而死。信夫由是富者二十餘年。至元戊寅。遭大獄。牽連到邑。見吏儼如前。爭產之弟。抑令招承。罄其貲沒焉。忿而訟邑吏於府。見府吏儼如前。爭產之兄。亦抑令招承。信夫與妻女子息八人。俱死於獄。



唐劉君良瀛洲人四世一庖族兄弟猶同產門內斗粟尺
帛無所私大業末歲饑甚妻勸異居不聽乃潛易置庭樹
烏雞令鬪且悲鳴家人怪之妻曰天下亂禽鳥不相容况
於人耶君良亦怪之遂與兄弟析處後月餘妻中夜偶言
同居勞脫非我安得自便如此問之具吐實君良卽牽其
髮起大呼曰今得破家賊矣斥其妻出召兄弟更復完娶
徐尚公曰劉妻安得自便一語天下喜分杯而不喜同爨
之病根惟在於此欲快遂其嗜慾天理自難保全矣



魏鍾偶失愛於其兄妻王氏聞之治具延兄爲謝過命二
兒侍食兄鏞曰吾聞兄弟之好以婦人敗未聞以婦人全
也吾弟婦其賢矣哉一日鍾嫌其表兄弟之子妻曰君母
族惟一息耳奈何不能寬容鍾矍然稱善後孫校成進士

爲理學名臣

不信正道姦盜邪淫

增論道盈於天地之間亦曰正而已矣。人能遵依正道。信心安命。寧拘謹而守拙。無妄希而倖獲。親族里黨。或有笑其迂者。然而不失爲正也。若夫狂悖之徒。乃以正道爲不足信。恣意肆行。貪貨財。溺聲色。以致入於姦盜。而不知羞。流於邪淫。而不知返。心術大壞。人品全虧。顯路王章。陰受真譴。而究其原。皆不信正道之爲害也。噫。正道顧可不信乎哉。




明萬歷庚戌年間。池州府人孫某者。自言得異人傳授。能役鬼神。立致食物。未見其人。先知胸臆。未爲其事先決吉凶。縉紳權要。結納投刺者。紛紛無何事敗。貪淫之狀百出。而二三大貴人。以此頓損名望。俱慚愧無顏。見人不信正道之害如此。

奢詐不重勤儉

增論奢者張侈之謂。如食必求美。服必求華。一切用度。罔不妄費是也。詐者詭譎之謂。如言皆虛誑。行皆欺偽。處已待人。罔有真實是也。夫物力艱難。不可忽也。人而好奢。則暴殄天物。將必有餓殍之報矣。天理至誠。不可欺也。人而好詐。則良心泯滅。將必有困窮之道矣。好尚既乖。習慣成性。雖有善者。從而勸之曰。與其奢詐而獲譴。何如勤儉以基福乎。勤則百事不至於廢弛。儉則家業不至於虛耗。可大可久。較之奢詐之可立俟其敗者。果孰愈耶。而無如彼之所重。全不在此。勸之竟何益乎。迨其後。奢侈盡而福祿捐。巧詐多而鬼神忌。禍患來臨。

悔無及矣。



明吳良佐大興縣人家大富。號吳萬錠。日尚奢侈。以雞鴨
爲不足適口。以綾絹爲不堪著體。設酒待客。暴殄非常。娶
婦嫁女。奢華無比。而親友探望。則先訴苦狀。以免其借貸。
元旦日。有鬼寫對聯於門上。云。天賜汝財。天厚汝。汝戕天
物。汝輕天。佐令家人刷去。仍不收。後遭寇劫。二次家財頓
滅。尋死。有一子名磐哥。長大視銀錢如糞土。任意嫖賭。不
十年。家徒四壁。裸背行乞。



明陳克愼吉安府人。晚年生一子。過於鍾愛。至二十歲而亡。愼哭兒痛甚。因詆府城隍曰。吾兒有何罪。而促其壽耶。神其無靈矣。夜夢城隍拘至殿前。責曰。汝兒生時。母有乳。乃兩僱乳婦。致彼各棄其子。况小兒原不知擇衣食。汝必剪新紬帛與衣。任其污穢。戕生物命。與食任其拋擲。緣此折盡福壽。皆汝自殺之也。尚敢詆侮神明耶。愼辨曰。富貴人愛兒如此者多。何獨罰我。城隍曰。若曹那個不暗中受罰。但福有大小。罰有輕重。人昧於不知耳。愼服罪叩謝而出。醒後遍勸里人曰。凡養小兒。不宜令其暴殄作孽。吾已身受此罰矣。

五穀

增論五穀者。天之所以活人者也。其間日暴風散。雨潤露滋。天不知幾許栽培。霑體塗足。男耕女餉。人不知多少經營。而一值豐收。富貴家不知作息之勞。莊農家頓忘凶荒之苦。輕之如泥沙。棄之如糞土。褻天賜而忽人力。招災致殃。皆由於此。至凶年流離餓殍道路。始悔向者不加惜愛之爲罪。噫。亦晚矣。

歸寧錄

卷四

三



劉元真少時夢道人授之桃食遂能辟穀一日行終南道中遇一貴人騶從甚盛真謂之曰且以赤子爲念貴人領之同行者問曰此何人真曰山神也上帝以麥大熟民不知愛惜令收其五吾故爲民請之少頃風雨大作損麥十之三可知水旱飢饉皆民不重粟之報



明張儀方有田數百頃。每歲收糧萬餘石。倉廩紅腐。不知施濟。自用則芝蔴飼猪。菜豆飯牛。糠粃填坑。不惜也。正德六年。黃河遷徙。田盡捲入河。家遂貧窮。尋餓死。

不報有恩

增論恩有欲報而報之不能盡者如天地恩日月恩朝廷恩父母恩此其當報固不待言也亦有不可不報而報之欲分明者大之如救我於急難拔我於卑微拯我於窮困卽或一言之獎成一事之護持一壺飧之受惠皆當隨分隨時從厚圖報勿以年遠而漸忘勿以得意而弗記勿以小忿而背大德勿以薄償而負深情蓋必如此始有良心。否則無良也。必如此始爲義氣。否則無義也。犬馬猶知報主。蛇雀猶知感恩。不報有恩直犬馬蛇雀之不若也。吁人也。而犬馬蛇雀之不若乎哉。



明王之巽四川人未遇時有族兄供給讀書一衣一食皆仰賴於兄嘗謂兄曰厚恩自有報日後成進士赴京謁選其兄典田產與爲盤費未幾巽選江南邑令兄窮無奈往任所抽豐巽不念前恩薄贈之兄曰我此番來欲尋一生路似此回家必填溝壑矣巽總不顧兄含怨而去越一載巽革職狼狽旋里族中有百餘人迎於里外大聲曰此負恩人也爭指罵之巽慚憤不敢辯尋病死

瞞心昧已大斗小秤

增論心若公平胡爲而瞞之耶。已若正大胡爲而昧之耶。必其所行不敢告人。不堪對衆。而姑瞞昧於一時耳。夫卽一時瞞昧已屬可惡。況無日不如此。無月不如此。甚至經年不改耶。則莫大於大斗小秤之二事。夫斗而曰大。必用之於外入也。秤而曰小。必用之於內出也。在已習慣以爲常。在人忽略而不覺。宜若無人過者。不知斗秤不公。富家之吃其虧者恒少。貧人之受其累者恒多。瞞昧於此實乃欺天。吾不識若人之罪居何等也。第曰天厭之。天厭之。

臨帝寶訓像記

卷四

四

南北雜貨



萬歷年間揚州有開大南貨店者。臨死囑其子曰。我平生起家。在此一秤。乃烏木合成。內藏水銀。稱出將水銀倒在秤頭。稱入將水銀倒在秤尾。入重出輕。所以致富。子心怪之。而不敢言。父死。子卽將秤燒燬。未幾。子之二子皆死。因怨曰。父在日用秤不公。尚獲平安。吾今出入公平。反將二子雙亡。天道果有知乎。後夢至一官衙。堂上官諭之曰。汝父以秤欺人。所得雖奢。亦是彼命中所應得者。但以欺心造孽。獲罪於天。所以遣破耗二星。使爲子孫蕩盡家財。仍繼以火。產盡嗣絕。以示其報。今爾能燬父秤。力蓋前愆。因將二星取回。爾宜勉力爲善。將生賢子。毋得妄怨。醒而記之。愈行善事。三年果生二子。俱成名。子孫繁盛。

假立邪教引誘愚人託說昇天斂物行淫

增論聖人之教師表乎萬世者也。若釋道兩門亦足以感人善心。外此皆邪教也。乃有奸詐之徒。假立一教之名。以惑世而誣民。可憐蠢爾愚衆。偏易煽動。日聽其引誘。而莫之悟。以致牽朋聯伍。而奔聚矣。挾女帶婦。而偕往矣。謬倡斂物。而實斂禍也。妄託昇天。而實瀆天也。詭言行善。而實行淫也。迨人集日衆。而邪謀一敗。難免乎服上刑矣。悔何及耶。



明萬歷年間。有奸民。剽爲白蓮教。詭言入教者。上等當成佛。作祖。下等轉生不失卿相位。引誘男婦。遠近會聚。因而斂財物。行姦淫等事。後被人告發。巡按奏上。詔誅其首惡。此教乃息。

明瞞暗騙橫言曲語

增論險矣哉。人心之叵測也。而至於交財爲要。甚益財與命相連。已欲其多。誰甘其少耶。而在邪枉之流。另具一副肺腸。不怕天。不怕地。並不怕世間人訾議。惟財是貪而已矣。本不可瞞也。而明瞞之以誇其巧。本不當騙也。而暗騙之以矜其能。以致令人難堪。不肯善罷。伊又橫言威之。若不勝其憤憤者。曲語辯之。若不勝其堯堯者。凡此皆如鬼如蜮之行也。而陰譴隨乎其後矣。

三

關帝實川原主
卷之四 關公過五關



明郝三善順天人詭詐多端人號爲郝三騙凡與識面之人無不騙到如不甘其騙登門討取彼又善用謊言支吾如不信其謊言曰夕坐索彼則出惡語頂撞人遭騙致窮彼慣騙成富旁觀者幾以爲無報矣未幾流賊入城將善家焚搶一空併掠其妻女而去善往賊營探妻子消息後亦不知下落



方通判乳媪周氏性朴直。不慮人欺。村人從假貸。輒與之。有蔡翁者。負最多。每索取。率托以他故。經數年。媪呼責之。蔡妄答云。欲償婆錢。輒爲官事所蕩。願寬今歲。如背約。當爲八乳牝狗以報。未幾。蔡死。而方家適得一牝犬。八乳。周媪常戲呼曰。汝是蔡公耶。犬卽掉尾而前。後十年乃死。

白口咒詛背地謀害

增論出言罵人已傷口德若咒詛則加罵人一等矣失
誤害人已傷陰德若謀害則加失誤十倍矣況乎咒詛
人者於人未必有損徒壞自己心術謀害人者其謀卽
或未成先註自己惡業可憐人多愚昧不知自返惟知
怨人小有疵嫌便爾白口咒詛或咒其本身或咒其子
女。噫果係人之過也自有錄其過者我又何必咒之若
人而無過我咒之恐有反而白應者矣大有仇恨遂至
背地謀害或謀其財產或謀其性命噫果係人之罪也
自有報其罪者我又何必害之若人而無罪我害之定
有反而白害者矣苟能於此看破作自返功夫則自無

咒人害人之患矣。



明馬清德州人。貧而無賴。借貸伊妹丈錢。從不想還。其妹丈索取一次。伊則咒詛一次。因而暗勾匪類。誣告其妹丈與海賊通。其妹丈不知爲清陷害。仍託清代爲料理。又騙錢無數。事完後。其妹丈知之。亦不說破。而清忽害眼疾。未半載。雙目失明。

不存天理不順人心

增論理歸於天乃光明之正理也。心具於人乃虛靈之公心也。人生天地之間無論貴賤窮通皆當存天理而不失順人心而不拂也可。憐小人輩一團私欲惟知貪利竟棄大理人心於無何有之鄉。且謬曰我若不逞智術焉能療我饑寒。天理人心四字而今用不著矣。故其始猶以天理爲可有可無。人心爲可操可舍。迨汨沒日久則天理全消。人心盡滅。小之損人利己之事無所不爲。大之逆親背主之行無所不至。噫此人直惡獸也。此人直梟禽也。地獄輪迴始爲若輩而設者耶。



明萬歷間。句容趙仲兄弟三人。其兄趙伯客於廣東。仲以嫂甚美。鬻之可得重價。乃詐爲兄死信。嫂號哭幾絕。設位成服。仲諷其改嫁。嫂正色設誓。適有大賈欲購美妾。仲謀於弟季。密令賈人窺其嫂。果絕色也。遂議定三百金。仍給賈人曰。嫂心欲嫁而多嬌飾。且恐戀母家。不肯遠行。汝於暮夜率徒猝至。見衣綳素者。拾之登舟。則爲汝婦矣。計定與其弟季各避去。然季嘆分金少。潛以語嫂。嫂泣告仲。婦曰。汝夫嫁我。幸是富客。但何不早言。令我妝飾。今宵吉禮。素粧未便。望以嬌之。綳冠色服。借我。仲婦遂與嫂易笄而笄。易衣而服。置酒敘別。嫂灌醉仲。婦潛逃母家。至暮賈人率衆至。見素笄白衣婦人。蜂擁而去。天明仲抵家。見門戶。

洞達。稚子號啼索母。始知失婦。追至江口。主人曰。昨宵順風揚帆。此去可三百里矣。仲寸腸幾裂。尚念有賣嫂銀。可以再娶。及開箱視之。已被人盜去。仲方慚恨慟哭。而其兄恰自外歸。至岳家。夫婦相見。悲喜交集。仲妻財兩失。二子伶仃。且無顏對兄嫂。自經而死。

皇朝通志卷一百一十五

列傳

七

不信報應引人爲惡

增論古今報應之理。彰彰在人耳目間矣。亦顧人之能信與否。果深信於心。且時形於口。而聞之者自警醒於言下也。奈之何竟以爲渺茫而不信耶。夫不信卽已之惡也。且因已而又引人之惡焉。有如人無殺惡也。而引之以烹鮮。人無淫惡也。而引之以邪徑。人無貪惡也。而引之以妄取。人無暴惡也。而引之以殘行。人無吝惡也。而引之以刻薄。人無口惡也。而引之以誣陷。諸如此類。人惡日引。則已惡日多。皆由不信報應致之也。卒之惡報來而莫可逃。悔之晚矣。



明顏友程濟南府庠生。每考居前列。名重藝林。但性執口捷。不信報應。謂人一死便了。一先達規之曰。汝謂一死便了者。乃祇了斷其生前。而不能了清其歿後也。蓋死了二字。人所不免。而了死一事。人所難能。此報應所以必有耳。若汝謬執爲無。是令善者灰心。而惡者放膽也。將來貧天之報。斷難免矣。後程窮苦一生。子爲人役。書香絕不復振。



楊詢性巧媚。善揣人意。慫恿之以得其歡。丹陽縣令楊開。性暴橫。與詢最善。每事必告於詢。詢明知其非。不敢有忤。歎美而已。後夢神呵之曰。成楊開之惡者。汝也。應與同罪。卽日惡疾而死。

不修善事

增論人生如白駒過隙。雖孜孜行善。猶恐不足。矧漫不知修耶。不知修善。則悠悠忽忽。渺無片善之足錄矣。非虛度光陰。而何況善惡兩途。原無中立之理。既無善定。有惡乃斷。然而不易者。覘其所行。逆情背理。貪淫縱欲。無惡不爲。彼其心豈知其爲惡。而故行之哉。蓋由私慾日深。豪無向善之念。遂日卽於惡而不覺耳。雖有勸之者。曰善當修也。而彼如不聞。又曰惡不可行也。而彼亦不聽。久之惡業日深。則惡緣日湊。惡貫旣滿。則惡鬼相隨。冥司攝而問之。曰子亦來見我乎。如之何其對之。

國朝平定直隸修言

卷四

五


國朝平定直隸修言

卷四

五

關帝廟川像主

卷四 行惡變犬




其



明李有容太原人任意作惡有勸以爲善者則反言拒之
曰我惟恐人說我在善流一邊有阻其爲惡者則反言抵
之曰我趕早行些惡事日後見閻王還仗膽些未幾口邊
生一疽死三日復甦語妻子曰閻王因我行惡罰我一世
變狗再世變馬今生東門外某家乃一白項花狗汝等可
取我來其子隨尋至東門外某家果生一白項花狗見子
至眼流淚口牽衣因抱回家養大送至法華寺每高僧談
經時此犬卽來若聽者然

東嶽廟



明黃思正安慶府太學生家業萬金不肯行善見人善舉
卽譏其愚一夕過東嶽廟街遇一矮人隨其左右正問曰
汝何人矮人曰吾酒孽也上帝與爾富無善狀遣我魔爾
倏不見正到家語其子其子解曰父從不飲酒孽豈能來
魔耶至次早正忽想酒自此縱飲無度沉昏顛倒家務盡
廢窮乏不堪其子知其故虔寫金剛經七卷叩天贖父罪
甫寫完是夕正微寐見前矮人跳於地上垂頭曳趾而去
嗣後點酒不想家道再興

官詞口舌水火盜賊惡毒瘟疫生敗產蠱殺身亡家男盜女淫

增論嗚乎。人亦知災殃之所由致乎。易曰。積不善之家。必有餘殃。蓋氣以類感。片善不修。諸惡並作。則惡氣洋溢。災殃備至矣。或訟獄頻興。或口舌弗息。或水火無情。或盜賊相遇。或瘡毒時生。或疫氣染疾。子孫出敗類。胎產多不祥。殺其身。亡其家。男兒爲盜。婦女爲淫。何一非行惡者之報歟。凡此惡報。實皆惡氣所自招。天不會稍加毫末於其間也。夫上天好生。至仁至慈。倘一息尚存。及早回頭。猛省懺悔。前惡勉強修善行之。旣久。則災殃自消。歸於無有。舍此斷無另有祛災之術也。世人凡遇

禍患切勿委咎於命運亦惟返心以自修則庶幾其免乎。



明施廣汝州人爲富不仁鄉里側目侵其族人產業族衆不平控於按院收廣於獄缺少盤費遣伊子回家路逢盜賊將騾馬衣服等物盡掠而去廣因此氣鬱不舒遂染疫死值夏月屍臭蛆生見者旣恨之又歎之也

妖邪報



趙光歷城人。自恃金多。慣行兇惡。識者知其必有天罰。未幾乖氣聚而不散。父子兄弟動說咒誓。姑媳妯娌時相詬訾。因而生產率多不祥。妖邪作祟。不數年家財耗敗。男婦死亡殆盡。僅遺一女未嫁。爲奸人拐去。

近報在身遠報子孫神明鑒察毫髮不紊

增論惡由人作報自天降蓋有神明在上鑒察分明不
至毫髮之或紊也在積惡輩肆行無忌罔顧神明一若
任其所爲而莫之或報也者而孰知神明早已一一筆
之於簿迨惡貫既滿惡報來臨而殃及其身矣否則殃
及其子孫矣報之則同遠近或異其近報者非其根氣
之淺薄則其惡業之酷烈又否則其作惡之時適當劫
數方興之會故卽其身而報之近矣其遠報者非其本
人之福宏則其祖父之德厚折之損之以抵其惡行而
終不知悛改然後報於其子孫也又有一生造孽報其
身而尚有餘辜因兼報其子孫者愚人不知天道乃於

報之遠近大小間。妄謂報應之有差。豈知神明之鑒察。斷無毫髮之或紊歟。昔賢云。惡報越遲則越慘。謂其久而加倍也。又云。報應合計乎三世。謂其久無可待也。觀之惡報如此。而善報可例推矣。




何應元爲蘇州府吏生子名紳方四歲時外公喚甥歸路由凌家山至更餘忽見人馬燈火自北而來轉報曰何爺過此於是人馬燈火轉西去乳母回述其事應元以已子必貴年十七忽雙瞽應元恚甚聞直塘道士能召神因請禱神附乩書曰汝子應科第但汝作吏受人賄造欸單陷數人於獄天絕爾嗣此子將生有德家矣未幾紳死



明沈元直揚州人。好養俊童。以恣淫樂。後生二子。俱浪蕩。下流冶容。誨淫。鄉黨傳以爲醜。直深恥之。與族長議欲將二子送官處死。其族長曰。爾性嬖淫。姦汚男色。不一而足。果報彰彰。恐受罰猶不止此。若處死二子。罪更大矣。直懊悔無及。一日渡江。船覆溺死。

善惡兩途禍福攸分行善福報作惡禍臨

增論齊跡分於善惡。明明兩途。人自擇而行之耳。而禍福之操。操之自天。恒因人以爲賞罰焉。此間感召之理。上哲知之。未可爲下愚道也。然上哲下愚。俱不槩見。惟中材居多。中材者可導而上下者也。如能勉強爲善。孜孜不倦。則多福不求而自至矣。倘怠忽自甘。日卽於惡。而罔覺。則雖欲無禍。其可得乎。禍也。福也。人之所能知者也。權雖在天。而實由於己之善惡。人豈可不擇善而行之。察惡而避之耶。



宋溫州叅將郭承恩奉公寬恕。司法元珍殘忍刻薄。時同
考滿入都。共買舟行。將抵紹興界。風濤大作。人皆見神鑿
舟爲兩截。承恩居前艙。無恙抵岸。元珍居後艙。竟沉溺焉。

作惡人去



明萬歷初宦官馮保柄國門下人徐爵仗勢爲惡握進退之權得罪朝廷忽夢一神人長四寸呼之曰爾惡深重禍不遠矣爵哀懇求免神曰作速廣行善事則可轉禍爲福爵不悛尋伏法

我作斯語願人奉行言雖淺近大益身心

增論

聖帝神明普照鑒別忠奸禍惡福善其所以警惕世人者已不啻耳提而面命矣而猶恐世人無所遵奉以行之也於是大發慈悲特作此篇以示人其所以故爲是淺近之語者亦望人之淺而易奉近而易行也然言雖淺也而其義甚深言若近也而其旨甚遠堯舜之道孝弟而已矣夫子之道忠恕而已矣何嘗不淺近而易行耶又何嘗不深遠而終身行之不能盡耶果能奉行則身可以修心可以正其爲益誠大矣哉世人皆知敬帝其亦奉帝之斯語而勉強行之以自益其身心斯爲實能敬帝者矣



徐賡義長治人。販潞紬至京。見關帝垂訓語。敬信之極。每逢朔望。誦謂大有裨於身心。不敢慢視。一日接家信。知其母得癱症。不能起牀。義許刊施。帝訓萬張。祈母病退。遂於京中印施。甫施完。將起程旋里。又有家字。言母病已愈過半。及到家。竟霍然矣。

戲侮吾言斬首分形若能持誦凶消聚慶

增論

關帝之威靈赫濯凡域中海外之人罔不欽敬孰敢戲而侮之耶但恐狂悖之徒不知敬奉寶訓或有戲慢之者所謂侮聖人之言也書曰惠迪吉從逆凶敢侮聖言其從逆可知矣從逆之凶將有殺身之禍矣雖不必顯汙關帝之寶刀而斬首分形之慘暗中定有主之者也若能反戲侮爲敬信持而奉之誦而習之身體而力行之則惠迪之吉凶氣全消吉神擁護將見慶聚於其身聚於其門無所往而不善卽無所往而不利餘慶矣人奈何不持誦寶訓而顧敢戲侮之耶



蔡貴榆林衛人在總戎標下當兵。性暴膽粗。不知敬神。一日往鄉村查奸宄。飲醉見道人聚會念經。貴醉問曰。所念何經。道人答曰。是關帝經。貴大怒曰。關帝那有經。你不過將關帝號我。遂搶經在手。扯碎拋地而去。衆道人駭然曰。此人雖是酒醉。將來必有惡報。未半月。寇犯界。貴隨主將往敵。被寇槍刺而死。



錢盈順天人貿易爲生最敬。關帝凡有疑難事不算命問卜。但趨正陽門內求。關帝籤以決行止。一日移居鄰言此房甚凶。夜有狐魅弄人。盈不答。於堂屋內掛。關帝聖像。桌上供。帝寶訓文一冊。晨起焚香跪誦一遍。僕婦見許多狐魅乘月色遁去。再無影響。且事事順利。人皆謂敬。帝訓之報焉。

求子得子求壽得壽富貴功名皆能有成

增論子孫福壽果有定者耶抑無定者耶若謂無定命數之理確然有之若謂有定轉移之機顯然見之蓋有定者天而無定者在人也天定固可勝人人定實能勝天亦顧人之能求否也求之之事雖不一端而總不外乎修善若能遵行帝訓勉力修爲善行日多福報斯集欲求子則螽斯振振也欲求壽則耄耋綿綿也欲求富貴與功名則財源滾滾而聲施赫赫也任舉諸福竟無一之或缺者然後知不患天命之有定惟患人事之不修而已



王開祚涿州人。家道殷實。六旬無子。村中有關帝廟。祚逢朔望。供獻求子。廟祝曰。凡人絕嗣。決非無因。汝自今修省。必行事可以告帝。而後求有效也。祚曰。然。因思帝以忠義而神。忠義固非易稱。隨分自應勉力。凡遇親朋中有窮處險處。則仗義慨助之。又倡義共助之。每逢朔望。將所行某事登於冊。供帝座前。甫年餘。卽生一子。享壽七十有八。猶見子食餽於岸。



蕭寺丞震少夢神人告以壽止十八。至十七歲父帥蜀。震不欲從。詰之以夢告。父強之。至蜀。以主帥履任大宴。震偶至庖。見繫牛。問其所以。庖人曰。酒三行。例進玉筍羹。法取牝牛。烙鐵鑽乳而出之。乳凝筍上。以爲饌。震亟走白父。索食。脾判。免此味。又乞判永字於上。旣而夢神告曰。汝有陰德。不但免天。可望期頤。後享年九十餘。

關帝實川象主

卷四 施濟書香

三



吳子芳大興人。祖父兩世俱以貿易爲生。至芳更盛。每自歎曰。吾今雖富。不過享庸庸之福耳。曷若後人書香蔚發。爲朝廷用乎。因計所入財。除家用外。盡行施濟。爲文禱於關帝。但求保佑後人爲讀書種子足矣。後生二子。一以拔貢作學博。一中舉人作邑令。後世功名竟綿綿不斷云。

凡有所祈如意而獲萬禍雪消千祥雲集諸如此福唯善可致

增論世人有不如意之事則思祈禱焉祈之而不應初猶以爲心未誠也再竭誠祈之或仍然不應則鮮不以爲天至高難憑神至幽莫測也而獨不見夫善人乎凡意中所想之處不移時而獲之卽意外所未想之處亦因類而獲之而且纖禍不萌如雪之融融而消也嘉祥旋至如雲之重重而集也何諸福之皆備歟亦惟行善可以致之耳彼不知爲善而妄有所祈者則何益之有哉

卷之四

四

同治庚午夏月
三
敬神自警



崔瑋福州人。館於巨紳家。書房中供一關帝像。東翁日夕來焚香。默言移時方去。瑋問曰。翁叩關帝有所祈乎。答曰。向所祈者。第一求母康健。次求諸子學有進。再次求人口平安。和氣聚於一庭。已蒙帝佑。皆得如願。復何祈哉。我今之默言移時者。乃將口間所行事告帝。借此自警。以冀善多而惡少也。瑋歎曰。翁如此修善。何禍不消。何福不集耶。後東翁富貴壽考。家門大盛。



國朝張公諱廷琛大興人事親以孝聞移寓天津捐資建義學立義塚復設廠賑粥以濟貧困歲以爲常授府通判因母老不赴選壽六十七與妻沈夫人無疾同日而逝子釗授懷慶太守諸孫繁衍鄉黨咸謂善人之報其更報之奇者初公之甥由閩藩罷任歸假公別墅蓄二妓其夕忽有鬼作厲使二妓不得臥遂移寓駱家後事敗被叅欵及妓事駱姓株累破家向使公之別墅不有鬼逐二妓則駱姓之禍公受之矣噫鬼神福善之妙用豈人之所能測耶同里凌熙績記

吾本無私惟佑善人衆善奉行毋怠厥志

增論

關帝高明配天精忠貫日神靈顯應迥倍尋常

寧有纖毫之或私歟而獨於善人則若或私之者蓋

帝之在世扶正除奸賞善罰惡神之在天猶如在世凡

遇善人上悅帝心暗中嘉與默輔惟勤多方愛護禍

去福臻豈帝之有私於若人哉亦惟其善之是佑耳

書曰皇天無親惟德是輔此之謂也故欲求帝佑者

不在享祀以祈禱惟在衆善之奉行無論善端之大小

善事之難易胥虔奉而勉行焉則衆善日積而日廣矣

而最可患者奉行立志不專則怠忽之念猝起日日爲

善而一日違善卽怠矣時時修善而一時遺善卽怠矣

怠則厭而思廢。日卽於下流。而不知何所底止。悲夫。
關帝深慮於此。故於實訓之終。自言無私。又言佑善而
更申言力行勿怠。其詞懇懇。不惜剖肺腑以示之。其意
惓惓。不啻垂涕泣而道之。凡我世人。若能仰思 關帝
訓世之苦衷。而勉善以自修。 帝斷未有不默佑之者
也。



明于保解州人。萬歷初補戍雲南騰越州。其妻王氏在家
孝姑。頗通文義。將粒作信香。日夕禱關聖前。誦詩曰。信
香一粒米。客路萬重山。一香一點淚。流恨入蕭關。後歲餘
于保在伍。晚行遇赤面長髯人。呼保曰。爾婦孝姑虔。爾欲
歸養母乎。保答曰。欲歸。乃呼令揪馬馳行。獵獵風聲已落
平沙中。知是解州城外。因抵家叩門。王氏與姑驚疑。保道
所以方出迎。抱哭隨詣關聖廟叩謝。明日赴州言狀。移
文騰越州查之。保僅離伍一月。而伍簿上且有關聖勾
免四字。保自此遂得免戍。



明李準濬縣人。天啟年間開雜糧店。貲本僅千金。好行善。約善友七人。結一矜殘會。凡丐人口啞目瞽足跛以及老病奄奄者。皆破格施濟。七人各持疏募金。多寡皆供於關帝前。以明無他久之。六人以貲累難支。次第辭去。準乃虔心奉行。家貲賠盡。終無怠志。但泣訴於關帝。祈暗中庇護。一日準生子。掘地埋胞衣。得黃金十錠。前辭會六人聞知。皆赧然曰。此關帝之賜也。

